



10392

芸窗詞

目錄

孤鸞 一調

摸魚兒 二調

浪淘沙 二調

西江月 一調

水龍吟 四調

虞美人 三調

凱歌 一調

絳都春 一調

千秋歲 一調

芸窗詞目錄

沁園春 一調

賀新涼 一調

摸魚兒 一調

沁園春 一調

好事近 一調

唐多令 一調

滿江紅 一調

摸魚兒 一調

祝英臺近 一調

鷓鴣天 一調

燭影搖紅 一調

青玉案 一調

水龍吟 一調

孤鸞 一調

念奴嬌 二調

沁園春 一調

飛雪滿堆山 一調

朝中措 一調

青玉案 三調

金縷曲 一調

醉落魄 一調

瑞鶴仙 一調

木蘭花慢 一調

摸魚兒 一調

賀新涼 二調

浪淘沙 二調

木蘭花慢 一調

滿江紅 一調

安慶模 一調

芸窗詞目錄終



芸窗詞

宋 張 榘

孤鸞

次虛齋先生梅詞韻。虛齋詞云江南春

早問江上寒梅占春多少幾點殘星細萬  
里春風到幽香不知甚處但迢迢滿江煙草  
回首誰家竹外有一枝斜好記當年曾共  
梅花笑念玉雪襟期有誰知道喚起羅浮夢  
正參橫月小淒涼更吹寒管漫相思鬢華驚  
老待覓西湖半  
曲對霜天清曉

塞鴻來早正碧瓦霜輕玉麟寒少昨夜南枝一點陽

和先到黃昏半窗淡月照青青謝池春草此際虛齋

心事與此花俱好 竿巡簷索共梅花笑是千古風

流少陵曾道爭似油幢下對一枝春小江城慣聽畫

角且休教玉關人老好試和羹手段向鳳池春曉

芸窗詞

燭影搖紅

再次虛齋先生梅詞韻。虛齋詞云

乍令還暄小春時候今朝轉三分酥  
日一分休鏡裏清霜滿雲幕低垂不捲菱窗  
明紅麟初暖老來活計白酒三杯黃庭一卷  
萬里關河朔風吹鬪邊聲遠倚樓脈脈數  
歸鴻誰會愁深淺最苦山寒日短但梅花相  
看歲晚何人金屋巧  
轉歌鶯漫調箏雁

春小寒輕南枝一夜陽和轉東君先遞玉麟香冷蕊

幽芳滿應把朱簾暮捲更何須金猊香暖千山月淡

萬里塵清酒尊經卷 樓上胡牀笑談聲裏機謀遠

甲兵百萬出胸中誰謂江流淺憔悴狂胡計短定相

將來朝悔晚功名做了金鼎和羹捲藏袍雁

摸魚兒

送邵瓜坡赴舍  
山尉且堅後約

正挑燈共聽簷雨問誰催動行色風前千點離亭恨

惟有落梅知得王謝宅記前度斜陽燕子曾相識花  
香霧烏無計強追隨陽關聲斷回首暮雲隔文章  
貫合上薇垣梧掖征鞍底事江北青衫莫對韓彭著  
還是玉麟佳客須記憶有衿佩鏘鏘正願依重席茶  
蘼未折次第牡丹開一尊留待相與醉寒食

又送元王  
又簿回府

正桃花漸畫紅雨依稀一半春色東風十里離亭恨  
楊柳絲絲如織遠又憶向雪月梅邊陶寫吟情逸清  
愁拍拍算祇暮山知棲鴉斜照春樹渺空碧文章  
貫合整垂雲健翼翔鸞底用棲棘要尋玉洞煙霞勝  
聊趁麟符蜚檄歸驄急看塵袂方清有恩綸催入覲

芸窗詞

二

仙倦鳥相與問孤山開尊抵掌一舸畫橋側

青玉案

被檄出郊題  
陳氏山居

西風亂葉溪橋樹秋在黃花羞澀處滿袖塵埃推不  
去馬蹄濃露雞聲淡月寂歷荒村路身名多被儒  
冠誤十載重來慢如許且盡清尊公莫舞六朝舊事  
一江流水萬感天涯暮

浪淘沙

和上元王仇香猷舍  
山邵梅仙有渙敘別

風色轉東南翠擁層巒杏花疏雨逗清寒鍾阜石城  
何處是煙靄漫漫行旆已西關一霎時間芳尊聊  
復挽餘歡明日斷魂分付與萬疊雲山

又再  
和

雨過暮天南高下青巒小樓燕子話春寒多少夕陽  
芳草地霧掩煙漫別恨正相關心上眉間離歌一  
曲間悲歡後夜月明何處夢鍾阜容山

水龍吟

次韻虛齋先生雨花宴

暮雲低鎖荒臺凭闌四望天垂地曼花半夜蜚香繚  
繞昔人曾記往事悠悠物華非舊江山仍麗悵斜陽  
芳草長安不見誰共灑新亭淚開放林巒舊址動  
騷人一番詞意青油幕裏相忘魚鳥水邊雲際卻恨  
清遊未能追逐區區僚底問何時脫了塵埃墨綬爲  
虛齋醉

西江月

芸窗詞

三

春事三分之二落花庭院輕寒翠屏圍夢寶熏殘窗  
外流鶯聲亂睡起猶支雪腕覺來慵整雲鬢間拈  
樂府幾闌干宿酒纔醒一半

孤鸞

以梅花爲趙孀寓壽

荆谿清曉問昨夜南枝幾分春到一點幽芳不待隴  
頭音耗亭亭水邊月下勝人間等閒花草此際風流  
誰似有孀寓詩老且向虛簷淡然索笑任雪壓霜  
欺精神越好最喜庭除下映紫蘭嬌小孤山好喜舊  
約況和羹用功宜早移傍玉階深處趁天香繚繞

水龍吟

寄興

暮天絲雨輕寒寒光春色看看過梅花謝了蒼苔萬

點香殘粉汗猶喜牆頭一枝嬌  
裊杏腮微露算幾回  
逗曉朱闌獨倚悄只怕東風大  
浮世名韉利鎖這  
區區要須識破滄波夜月翠微雲  
樹依然還我重結  
鷗盟細聽鶯語自歌自和問黃  
沙飛鏃紅塵走馬又  
還知麼

又

晝長簾幕低垂時時風度楊花  
過梁間燕子芹隨香  
鶯頻沾泥汙苦被流鶯蹴翻花  
影一闌紅露看殘梅  
飛盡枝頭微認青青子些兒大  
誰道洞門無鎖翠  
苔蘚何曾踏破好天良夜清風  
明月正須著我閒展  
蠻牋寄情詞調唱成誰和問曉  
山亭下山茶經雨早

芸窗詞

四

來開磨

又顧雪欺春葵軒兄  
用韻因次其韻

先來花較開遲怎禁風雪摧殘  
過紅英紫萼從他點  
綴翻成沾汙一點清香幾多穠  
豔緊藏不露伴楊花  
散漫逡巡堆積纖粟處妝成大  
多謝東君造化把  
羣陰一朝除破千機錦繡露濃  
香輒中間坐我嚼微  
含商振金敲玉瑱簾相和問西  
湖別有一番桃李肯  
同遊麼

又丁經之用韻詠  
園亭次韻以謝

近家添得園亭曉山時看飛雲  
過擁石栽梅疏池傍  
竹翦除蕪汙更喜南牆杏腮桃  
臉含羞微露算鶯花

世界都來十畝規模好何須大  
開放兩眉上鎖把  
春前新醅撥破病酒無聊且容觴客無多酌我底用  
歌喉柳邊自有鳴禽相和逗歸來折得花枝教看似  
人人麼

念奴嬌

重午次丁  
廣文韻

楚湘舊俗記包黍沈流緬懷忠節誰挽汨羅千丈雪  
一洗些魂離別贏得兒童紅絲纏臂佳話年年說龍  
舟爭渡寒旗槌鼓驕劣 誰念詞客風流菖蒲桃柳  
憶閨門鋪設嚼徵含商陶雅興爭似年時娛悅青杏  
園林一尊煮酒當爲澆悵切南熏應解把君愁袂吹  
裂

芸窗詞

五

又

三閭何在把離騷細讀幾番擊節薜蘿椒蘭紛江渚  
較以艾蕭終別清濁同流醉醒一夢此恨誰能說忠  
魂耿耿祇憑天辨優劣 須信千古湘流練絲纏黍  
端爲英雄設堪笑兒童浮昌歎悲憤翻爲嬉悅三嘆  
靈均竟羅讒網我獨中情切熏風窗戶榴花知爲誰  
裂

虞美人

和蘭坡催  
梅韻二首

金爐釵就裙紋摺香燼低雲月玉鈿黏睡上眉心不  
似壽陽檐下六花清 翠禽飛起南枝動驚破西湖  
夢仗誰爲作水龍聲吹綻寒葩詩眼爲君青

又

小蠻纔把鴛衾摺妝就梳橫月探梅不似舊年心卻  
愛窗前紙帳十分清 朔風吹起寒雲動午寢都無  
夢黃昏更被竹枝聲喚起醒醒相對一燈青

又

借韻

龍香淺漬羅屏褶睡思低眉月閒愁閒悶不關心  
似窗前梅影一般清 繡幃交掩流蘇動一覺華胥  
夢枕山輕夏竇釵聲粉褪香腮零亂鬢鴉青

沁園春

爲題備窩壽

靜壽先生笑傲四井醉眠嬾窩甚一枰棋攘掉頭不  
顧同舟風緊袖手高歌太白詞華更生忠憤爲問山

芸窗詞

六

林老得麼須知道有淮碑未作語石當磨 年來君  
子無多試屈指如公能幾何況芻蕘公論新曾推許  
冕旒異眷行見搜羅澤潤生民洗清兵甲待挽錢塘  
江上波功名就訪蟠桃把玩銅狄摩挲

凱歌

爲室相壽

雙關護仙境萬壑渺清秋台躔光動銀漢神秀孕公  
侯胸中千崖灑氣筆底三江流水姓字桂香浮十載  
洞庭月今喜照揚州 捧丹詔陞紫殿建碧油胡兒  
深避沙漠鈴閣颺輕裘點檢召棠遺愛醞釀潘輿喜  
召英裔蔚文彪整頓朝坤定千歲侍宸旒

飛雪滿堆山

次趙西里翁行喜雪韻



愛日烘晴梅梢春動曉窗客夢方還江天萬里高低  
煙樹四望猶擁螺鬟是誰邀滕六釀薄暮同雲沍寒  
卻元來是鈴閣露熏俄忽老青山 都盡道年來須  
更好無緣農事雨澀風慳鷺池夜半銜枚飛渡看尊  
俎折衝間儘青油談笑瓊花露杯深量寬功名做了  
雲臺寫作畫圖看

絳都春

次韻趙西里遊  
平山堂二詞

平山老柳寄多少勝遊春愁詩瘦萬疊翠屏一抹江  
煙渾如舊晴空闌檻今何有寂寞文章身後喚回奇  
事青油上客放懷尊酒 知不全淮萬里羽書靜草  
綠長亭津堠小隊出郊花底賡酬閒時候和熏簞幕

芸窗詞

七

垂春晝坐看蓉池波皺主賓同會風雲盛名可久

朝中措

前題

誰云萬事轉頭空春寓不言中底問垂楊在否年年  
一度東風 憑高慨古英雄亦淚我輩情鍾事業正  
須老手清吟留與山翁

千秋歲

爲室翁母  
夫人壽

鶴城秋曉又慶生朝到人與月年年好黑頭公相貴  
膝下歡娛笑君知否箇般福分人間少 塞上西風  
老紅入霜前棗日日有平安報慈顏酩量淺一呷金  
杯小香繚繞壽星明處台星照

青玉案

和何使君次了  
翁韻詞三首

嚴城寂寞山繚繞，覺寒透貂裘。峭雲壓江天，風破曉。  
飛瓊萬頃，看來渾似澤國蘆花老。玉山不怕頻頻  
倒，要筆陣縱橫，快揮掃。見說今年梅較早，笑將名勝  
下鍾萬字，誰似邦侯好。

又

少時貪看瓊林繞，任馬上寒威峭。昨暮六花飛逗曉。  
擁衾慵起鬢，絲籠帽頓覺年來老。朱闌翠竹枝枝  
倒，把玉觴稜層趁風掃。樓上一尊須放早，同雲收盡  
紅輪初上，對面狼峯好。

又

龍香熏被羅屏繞，任窗外風兒峭。鴛枕夢回雞唱曉。

芸窗詞

八

了鬢驚笑瓊枝低亞，錯認梅花老。紅爐獸炭裝還  
倒，強梳洗忙將黛眉掃。貪趁清歌爭怕早，弓靴微濕  
玉纖頻袖塑出獅兒好。

沁園春

爲壑  
相壽

思昔買臣懷綬，會稽年猶五旬，算初無功用。維持國  
事，但將富貴誇耀。時人未若先生方當強仕，掌握長  
淮百萬軍。難摹寫是擎天招地，緯武經文。河濱胡  
馬嘶春，便密運機籌出萬全。擁熊旂，指授鷹揚，墟敢  
擅裘。膽落鼠逸，狐奔，褒詔飛來，威名加盛。從此不須  
關玉門，歸朝也看雲臺畫像，金鼎調元。

金縷曲

次韻拙逸劉直  
孺見奇言志

粉社新相識恍瞻君丰神氣貌飄然仙白筆底三江  
鯨浪注胸次一甌冰雪怎不做龍門上客坎止流行  
元無定敢一朝挨卻塵泥迹且賸把錦雲織 試看  
自古賢侯伯一時間失雖暫失得還終得儋石空無  
君家事百萬付之一擲漸養就搏風鵬翼任你祖鞭  
先著了占鷗天浩蕩觀浮沒挈富貴等兒劇

賀新涼

次拙逸劉直禧  
維楊客中韻

襟度天爲侶價平生放浪江湖浮雲行住倒挽峽流  
歸筆底袞袞二井四具何尙友滄波鷗鷺藻蘂皇猷  
君能事况賢書兩度登天府急著手佐明主 晴風  
一舸來瓜步剪燈花尊酒論詩頓忘羈旅逗曉蠻牋  
傳金縷一片瑰詞綺語甚獨靈拙成長緒當代壑翁  
文章伯定不教彈鋏輕辭去留共濟孤舟渡

醉落魄

次韻趙西  
里梅詞

瑤姬妙格水姿微帶霜痕作一般惱殺多情客風弄  
橫枝殘月半窗白 孤山仙種曾移得結根久傍王  
猷宅欲賤心事呼雲翻爲報年芳萍梗正南北

摸魚兒

爲趙嬾  
窩壽

猛思量嬾窩初度魯雲呈瑞時節平山楊柳蒼茫外  
猶是鄉關明月春漏洩定知有梅花先向江南發煙  
波夢闊漫約住西風呼將寒雁把酒爲君說 君看  
取世道羊腸屈摺依然熟路輕轍林泉暫洗經綸手

桐柏夜香熏徹趨魏闕指天上星辰平步儀清切蟾  
桃未結待做著功名卻尋曼倩相與帶花折

瑞鶴仙

次韻陸景思喜雪

碧油推上客有神機沈密參運帷幄威聲際沙漠慶  
雲飛川泳和熏三白霄淵魚鬪甚探梅也來相約更  
誰憐久客泥深穿履栖栖東郭農麥年來管好禾  
黍離離詎忘關洛風高水涸多少事待韜略看鷺池  
夜渡犁明飛捷兒輩惛惛未覺便衝寒鐵騎橫驅汎  
掃六合

沁園春

代人上吳履齋集賢壽

綠野歸來筇杖角巾豈不快哉有清泉白石東西巖

芸窗詞

十

岫翠陰紅影高下樓臺況是裝賓槐庭暑薄照眼葵  
榴次第開輕熏裏煎香蒲爲壽一笑傳杯栽培多  
少英材更霖雨看看徧九垓算支撐厦屋正資梁棟  
調和鈞鼎須用鹽梅旒冕興思縉紳願望應有天邊  
丹詔催依還是爲蒼生一起重位元台

木蘭花慢

上壑翁壽

豆花輕雨霽更七日是中秋記分野三台家山雙闕  
孕秀名流平生佐時大略有中勤一念等伊周十載  
清風楚澤三年明月揚州須知萬竈出貔貅智勇  
邁前猷自向來擣穎口番平海膽落毡裘紅旂指關  
定洛看春融喜色動宸旒著取斑衣繡袞揭開玉宇

金甌

好事近

九日登平山和  
王帥幹應奎

素筆走龍蛇難覓醉翁真跡惟有斷崗衰草是幾番  
經歷紫萸黃菊又西風同作攜壺客清興未闌歸  
去負晴空明月

摸魚兒

九日登平山和  
趙子固帥機

望神京目斷煙草青天長劍頻倚香街十里朱簾月  
空想當年華麗堪嘆處沙靄蒹葭呬雁聲起平山  
漫記悵楊柳春風晴空闌檻陳迹總非是重陽好  
紅葉黃華滿地良辰美景如此青油幕府傳芳筭再  
萬露瓊花氣還更喜看玉閫規恢笑騁伊吾志塵清

芸窗詞

七

北冀便向關洛聯鑣巍巍冠佩麟閣畫圖裏

唐多令

九日登平山  
和朱帥幹

斜日淡蕪煙重陽又一年悵垂楊幾度飛綿只把晴  
空山色看多少恨倩誰牋沙靄暗中原模戈誰夜  
眼盡今宵且醉花邊準擬來秋天氣好重把菊嗅芳  
妍

賀新涼

壽壑相  
母夫人

萸菊香凝霧記重陽纔經三日悅懸朱戶紫殿玉垣  
稱壽竚激灑瓊花清露正萬里塵清淮浦地瑤從來  
標瑞應甚新曾秀出金芝樹正此處誕申甫人間  
小任千秋歲畫堂深綵侍怡聲慈顏笑語況是加恩

封大國錦誥鸞翔鳳舞便娉侍魚軒沙路御果金泥

宣曉宴捲宮簾爭看元台母家慶事耀今古是年加封大國

壑相生于寶應近芝生于是邦

又送劉澄齋制幹歸京口

匹馬鍾山路悵年來只解郵亭送人歸去季子貂裘  
塵漸滿猶是區區羈旅漫空有劍峰如故髀肉未消  
儀舌在向尊前莫灑英雄淚鞭未動酒頻舉西風  
亂葉長安樹嘆離離荒宮廢苑幾番禾黍雲棧縈紆  
今平步休說襄淮樂土但袞袞江濤東注世上豈無  
高臥者奈草廬煙鎖無人顧賤此恨付金縷

滿江紅壽壑相

芸窗詞

三

淮海波澄湛桂影半窺涼月又還是中秋相近垂弧  
時節綸誥飛來宸眷重綵衣著處慈顏悅注紫清花  
露入瑤卮瓊香滑揮羽扇持旄鉞鯨海浪陰山雪  
著威聲到處遐衝都折沙溪遠標銅柱界關河盡補  
金甌缺君臣千載會風雲看伊說

浪淘沙

次韻孫霽窗制  
參雨中海棠

春夢草茸茸愁雨愁風對花須拚酒頻中莫遣枝頭  
銀燭暗辜負媽紅推起簿書叢何苦匆匆慳吟卻  
說少陵公天定爲花開一笑日上籬東

又再用前韻定  
出郊之約

煙縷暗蒙茸楊柳輕風雨聲多在夜窗中春水漸生

春事去流盡殘紅 新筍綠叢叢鶯語匆匆一尊同  
醉定林公十里長松青未了山北山東

摸魚兒

茶蘼

正葍牆柳綿低度枝頭紅紫飛盡穠陰漲綠水細碎  
浥浥麝蘭成陣仙骨嫩悅姑射瑤姬青幃游瓊苑風  
前有恨也一似宮梅飄香墜粉輕點壽陽鬢 梨花  
雪構道全無清韻何曾留到春晚柔條不受眞珠露  
滴瀝紫檀心暈芳又問待接放金尊拚作通宵飲日  
高慵困任翠幄低雲玉熏泛夢路入醉鄉穩

木蘭花慢

次韻孫霽窗賦牡丹

漸稠紅飛盡早穠綠徧林梢正池館輕寒楊花飄絮

芸窗詞

十三

草色縈袍天香夜浮院宇看亭亭雨檻漬春膏趁取  
芳時勝賞莫將年少輕拋 鞭鞘驅放馬蹄高世事  
一秋毫便飛書倥傯運籌閑暇何害推敲花前效顰  
著句悄干鏤側畔奏鉛刀何日重攜尊酒浮甌細剪  
香苞

祝英臺近

賦牡丹

柳綿稀桃錦淡春事在何許一種穠華天香漬水露  
嫩苞疊疊湘羅紅嬌紫妬翠葆護西眞仙侶 試聽  
取更饒十日看承霞腴汗塵土池館輕寒次第少風  
雨好趁油幕清閑重開芳醕莫孤負鶯歌蝶舞

滿江紅

壽壘相

玉壘澄秋又還近桂華如璧算六載籌邊整暇幾多  
功績鐵壁連雲東海重驚波截斷狂飈翼把向來搗  
穎舊規模平淮北經濟妙誰知得總都是詩書力  
有召公家法范公胸臆赫赫勛名俱向上綿綿福壽  
宜無極看彩衣輝映袞衣榮恢霖澤

鷓鴣天

壽定庵  
運管兄

飽挹臺城白鷺秋又騎黃鶴上江州恩波浩蕩三千  
里多少人家願借留壽筭菊香浮姓名還喜到宸  
旒片□□□□□□□振□□□□下流

安慶模

和孫  
霽

渺長江浩無今古悠悠經幾流景橋家松竹知何在

芸窗詞

十四

寂歷丹楓如錦行陣整想鬪艦連艘談笑煙灰冷寒  
光萬頃算只有當年暮天霜月慘澹照山影元戎  
隊畫角梅花緩引樓船飛渡波穩中流擊楫酬初志  
此去君王高枕應暗省使萬里塵清誰遜周公瑾勛  
名不泯看陽蟄潛開老龍挾雨淵睡爲民醒



芸窗詞終

芸窗詞

五



方叔南徐人與了翁虛齋相友善最喜作次韻小令  
惜諸家詞選不載余偶得芸窗詞全帙如正挑燈共  
聽夜雨幽韻不減陸放翁如小樓燕子話春寒豔態  
不減史邦卿至如秋在黃花羞澀處又苦被流鶯蹴  
翻花影一闌紅露等語直可與秦七黃九相雄長或  
病其饒貧寒氣母乃太貶乎古虞毛晉識

芸窗詞跋

一

陳其論會美康母氏太孫平古惠王晉編

隋末一闌珠露等語直可與秦七黃九相雄長也

不減史邦卿至如秋在黃花羞澀處又苦被流鶯蹴

翻花影一闌紅露等語直可與秦七黃九相雄長也

病其饒貧寒氣母乃太貶乎古虞毛晉識

方叔南徐人與了翁虛齋相友善最喜作次韻小令

竹坡詞序

竹坡先生少慕張右史而師之稍長從李姑溪遊與  
之上下其議論由是盡得前輩作文關紐其大者固  
已掀揭漢唐凌厲騷雅熒然名一世矣至其嬉笑之  
餘溢爲樂章則清麗宛曲當口口是豈苦心刻意而  
爲之者哉昔口口先生蔡伯評近世之詞謂蘇東坡  
辭勝乎情柳耆卿情勝乎辭辭情兼稱者唯秦少游  
而已世以爲善評雖然耆卿不足道也使伯世見此  
詞當必有以處之矣凡一百四十八詞離爲三卷乾  
道二年上元日高郵孫兢序

竹坡詞序

竹坡詞目錄

卷一

水龍吟 三調

浣溪沙 七調

卜算子 三調

木蘭花 二調

減字木蘭花 四調

攤破浣溪沙 二調

水調歌頭 四調

沙塞子 二調

鷓鴣天 十三調

採桑子 一調

西江月 七調

小重山 二調

卷二

漢宮春 二調

醉落魄 四調

阮郎歸 三調

青玉案 一調

竹坡詞目錄

菩薩蠻 三調

西地錦 一調

謁金門 一調

生查子 六調

昭君怨 一調

秦樓月 一調

天僊子 一調

漁家傲 五調

南柯子 三調

朝中措 五調

虞美人 三調

江城子 二調

瀟湘夜雨 四調

宴桃源 四調

卷三

滿江紅 一調

定風波令 一調

蝶戀花 一調

永遇樂 一調

驀山溪 一調

品令 二調

清平樂

六調

浪淘沙

二調

踏莎行

四調

雨中花令

一調

點絳脣

二調

臨江僊

二調

好事近

六調

酬江月

二調

感皇恩

五調

洞僊歌

一調

賀新郎

一調

蘇幕遮

二調

一翦梅

一調

千秋歲

三調

風入松

一調

憶王孫

一調

減字木蘭花

一調

採桑子

一調

竹坡詞目錄

二

竹坡詞卷一

宋 周紫芝

水龍吟

天申節  
祝聖詞

黃金雙闕橫空望中隱約三山眇春皇欲降渚烟收  
盡青虹正繞日到層霄九枝光滿普天俱照看海中  
桃熟雲幡絳節冉冉度滄波渺遙想建章宮闕口  
薰風月寒清曉紅鸞影上雲韶聲裏蒙天一笑萬國  
朝元百蠻款塞太平多少聽堯雲深處人人盡祝似  
天難老

又題夢

雲軒

楚山千疊浮空楚雲只在巫山住鸞飛鳳舞當時空

竹坡詞卷一

一

記夢中奇語曉日瞳矓夕陽零亂晨紅縈素問如今  
依舊霏霏冉冉知他爲誰朝暮玉佩煙鬟飛動烟  
星眸人間相遇嫣然一笑陽城下蔡盡成驚顧蕙帳  
春濃蘭衾日暖未成行雨但丁寧莫似陽臺夢斷又  
隨風去

又須江壁

九華作

楚山木落風高暮雲黯黯孤容瘦天晴似洗明霞消  
盡玉巒排秀九鳳飛來五雲深處一時輕恨三山  
不見六鰲去後天空遠人將老堪笑此生如寄信  
扁舟揭來江表望中愁眼依稀猶認數峰林杪萬里  
東南跨江雲夢此情多少問何時還我千巖萬壑卧

霜天曉

浣溪沙

今歲冬溫近臘無雪而梅殊未放  
戲作浣溪沙三疊以望發奇秀

近臘風光一半休南枝未動北枝愁  
嬋娥莫是見人羞  
么鳳不傳蓬島信  
杜鵑空辦鶴林秋  
便須千技

打梁州

又

欲醉江梅與未休  
侍籜春饗洗春愁  
不成歡緒卻成羞  
天意若教花似雪  
客情寧恨鬢如秋  
趁他何遜

在揚州

又

無限春情不肯休  
江梅未動使人愁  
東昏覩得玉奴

竹坡詞卷一

二一

羞對酒情懷疑是夢  
憶花天氣黯如秋  
喚春雲夢

澤南州

和陳相之  
題烟波圖

水上鳴榔不繫船  
醉來深閉短篷眠  
潮生潮落自年年  
一尺鱸魚新活計  
半簑煙雨舊衣冠  
廟堂空有

畫圖看

又

多病嫌秋怕上樓  
苦無情緒擡頭雁來不寄小銀鈎  
一點離情深似海  
萬重淒恨黯如秋  
怎生禁得

許多愁

又

醜醜新翻碧玉壺水精釵裊絳紗符吳姬親手碎昌蒲  
綵索繫時新睡起榴花翦處要人扶心情還似  
去年無

又

學畫雙蛾苦未成鬢雲新結翠鬢輕伴人歌笑已多情  
飛絮亂花閒院宇舞鸞歌鳳小娉婷陽關休唱  
斷腸聲

卜算子

席上送  
王彥猷

江北上歸舟再見江南岸江北江南幾度秋夢裏朱  
顏改人是嶺頭雲聚散天誰管君似孤雲何處歸  
我似離羣雁

竹坡詞卷一

三

又

再和  
彥猷

霜葉下孤蓬船在垂楊岸早是淒涼惜別時更惜年  
華換別酒解留人拚醉君休管醉裏朱絃莫漫彈  
愁入參差雁

又

西窗見  
剪榴花

絮盡柳成空春去花如掃窗外枝枝海石榴特爲幽  
人好密葉過流離薄豔明芳草翦得花時卻傍闌  
樓上人垂手

木蘭花

長安狹邪中有高冢舊標置者客非新科  
不得其門時頗稱之子嘗語人曰相馬  
失之肥相士失之瘦也亦豈可以論  
人物乎戲作此詞爲花衛狹客一笑

嫦娥天上人誰識家在蓬山煙水隔不應著意眼明



人便是登瀛當日客 雙眸炯炯秋波滴也解人閒  
青與白檀郎未摘月邊枝枉是不教花愛惜

又

江頭雨後山如髻催送新涼風有意月來楊柳綠陰  
中秋在梧桐疎影外 小窗紋簾涼如水歲歲年年  
同此味眼前不忍對西風夢裏更堪追往事

減字木蘭花

春閒晝永城下江深山倒影淨掃風埃收拾煙光入  
句來 短窗閒倚身似浮雲門似水誰伴餘年結得  
青山一個緣

又  
內子  
生日

竹坡詞卷一

四

蓬萊三島上有青青千歲草玉佩煙鬟來作人間一  
笑歡 麻姑行酒萼綠華歌清韻裊玉秀蘭芳醉舞  
東風綵袖長

又  
大梁楊師醇奉親至孝嘗手植木犀於堂後  
木未三尺而已著數花蓋造物者以娛萱堂  
老人也師醇以長短句分餉  
一枝竹坡作此解以贊之

西山巖桂常恨香聞煙雨外何似君家戲綵堂前早  
試花 黃金千粟風撼芳條香馥馥一翦無多桃李  
漫山奈俗何

又  
晁別駕  
生日

當年文伯曾是東坡門下客文采風流奕葉傳芳總  
未休 爲公持酒願祝彩衣無限壽歸覲楓宸剩醉

長安幾度春

攤破浣溪沙

茶詞

蒼壁新敲小鳳團，赤泥開印煮清泉。醉捧纖纖雙玉筍，鷓鴣斑。雪浪濺翻金縷袖，松風吹醒玉醅。更待微甘回齒頰，且留連。

又湯詞

門外青驄月下嘶，映階籠燭畫簾垂。一曲陽關聲欲盡，不多時。鳳餅未殘雲腳乳，水沈催注玉花甃。忍看捧甌春筍露翠鬟低。

水調歌頭

十月六日於僕爲始生之日戲作此詞爲林下一笑世固未有自作生日

詞者蓋自竹坡老人始也

竹坡詞卷一

五

白髮三千丈，雙鬢不勝垂。人間憂喜如夢老矣更何之。遽玉行年過了，未必如今俱是五十九年非。擬把彭殤夢分付與癡兒。君莫羨，客起舞，壽瓊卮。此生但願長遭猿鶴共追隨。金印借令如斗富貴那能長久不飲，竟何爲。莫問蓬萊路，從古少人知。

又

王次卿歸自彭門中秋步月作

濯錦橋邊月幾度，照中秋。年年此夜清景伴我與君遊。萬里相隨何處看，盡吳波越嶂更向古徐州。應爲霜髯老西望倚黃樓。天如水，雲似掃，素魂流。不知今夕何夕，相對語，羈愁。故國歸來何事，記易南枝驚鵲，還對玉蟾羞。踏盡疎桐影，更復爲君留。

又丙午登白鷺亭作

歲晚念行役江闊渺風烟六朝文物何在回首更淒然倚盡危樓傑觀暗想瓊枝璧月羅襪步承蓮桃葉山前鷺無語下寒灘潮寂寞浸孤壘漲平川莫愁艇子何處烟樹杳無邊王謝堂前雙燕空繞烏衣門巷斜日草連天只有臺城月千古照嬋娟

又雨後月出西湖作

落日在烟樹雲水兩空濛澹霞消盡何事依約有微紅湖上晚來風細吹盡一天殘雨蒼翠溼千峰誰遣長空月冷浸玉壺中問明月應解笑白頭翁不堪老去依舊臨水照衰容良夜幾橫煙棹獨倚危檣西望目斷遠山重但恨故人遠此樂與誰詞

竹坡詞卷一

六

沙塞子中秋無月

秋雲微淡月微羞雲黯黯月彩難留只應是嫦娥心裏也似人愁幾時回步玉移鉤人共月同上南樓卻重聽畫闌西角月下輕謳

又席上送趙戒叔時東南方擾

玉溪秋月浸寒波忍持酒重聽驪歌不堪對綠陰飛閣月下羞娥夜深驚鵲轉南柯慘別意無奈愁何他年事不須重問轉更愁多

鷓鴣天

荷氣吹涼到枕邊薄紗如霧亦如煙清泉浴後花垂

兩白酒傾時玉滿船 釵欲溜髻微偏卻尋霜粉撲  
香綿冰肌近著渾無暑小扇頻搖最可憐

又七夕

烏鵲橋邊河漢流洗車微雨溼清秋相逢不似長相  
憶一度相逢一度愁 雲卻靜月垂鉤金鍼穿得喜  
回頭只應人倚闌千處便似天孫梳洗樓

又李彥棧  
生日

尊酒年年樂事多古銅猶得幾摩挲他時人物君須  
記玉筍班中李泰和 煩翠袖把金荷功名餘事且  
高歌新來學得長生訣寫就黃庭不換鶩

又沈彥述  
生日

竹坡詞卷一

七

名在休文季孟間一時風味更蕭然瓊林不逐春風  
老安用丹砂巧駐顏 春入戶酒吹瀾小桃枝上錦  
闌斑明年欲與君爲壽無路相從入道山

又和劉長  
孺有贈

裊裊雲梳曉髻堆涓涓秋淨眼波回舊家十二峰前  
住偶爲襄王下楚臺 閒院靜小桃開劉郎前度幾  
回來東風易得行雲散花裏傳觴莫漫催

又和孫子紹  
菊花詞

晴日烘簾暖似春菊回霜暈淺仍深誰知此地栽花  
手便是當時嘖蕊人 秋渺渺夜沈沈一聲清唱裊  
殘音嬌癡應挽香羅比六幅雙裙染鬱金

又

一點殘缸欲盡時  
乍涼秋氣滿屏幃  
梧桐葉上三更雨  
葉葉聲聲是別離  
調寶瑟撥金猊  
那時同唱鷓鴣詞

如今天風雨西樓  
夜不聽清歌也淚垂

又重九登醉山堂戲集前人句作鷓鴣天令  
官妓歌之爲酒間一笑前一首自爲之也

年少登高意氣多  
黃花壓帽醉嵯峨  
如今滿眼看華髮  
強撚茱萸奈老何  
千疊岫萬重波  
一時分付與秦娥  
明年身健君休問  
且對秋風卷翠螺

又

終日看山不厭山  
尋思百計不如閒  
何時得到重陽日  
醉把茱萸仔細看  
欹醉帽倚雕闌  
偶然攜酒卻

竹坡詞卷一

八

成歡籬邊黃菊闌  
心事觸悞愁人到酒邊

又荊州都  
倅生日

讀盡牙籤玉軸書  
不知門外有園蔬  
借令未解鑿坡去  
也合讎書在石渠  
微雨後小寒初滿  
斟長壽碧琳腴  
不須更問荊州路  
便上追鋒御府車

又予少時酷喜小晏詞故其所作時有似其體  
製者此三篇是也  
晚年歌之不堪如人意聊  
載于此爲長短  
句之體助云

樓上細桃一萼紅  
別來開謝幾東風  
武陵春盡無人處  
猶有劉郎去後蹤  
香閣小翠簾重  
今宵何事偶相逢  
行雲又被風吹散  
見了依前是夢中

又

綵鷓雙飛雪浪翻楚歌聲轉綠楊灣一川紅旆初銜  
日兩岸朱樓不下簾 闌倚處玉垂纖白團扇底藕  
絲衫未成密約回秋水看得羞時隔畫簷

又

花褪殘紅綠滿枝嫩寒猶透薄羅衣池塘雨細雙鴛  
睡楊柳風輕小燕飛 人別後酒醒時午窗殘夢子  
規啼尊前心事人誰問花底閒愁春又歸

採桑子

雨後至  
玉壺軒

跳珠雨罷風初靜闌檻憑虛絳闕清都只在仙人碧  
玉壺 九原喚起王摩詰畫作新圖十里芙蓉乞與  
知章老鑑湖

竹坡詞卷一

九

西江月

畫幕燈前細雨垂蓮蓋裏清歌玉纖持板隔香羅不  
放行雲飛過 今夜塵生洛浦明朝雨在巫山羞蛾  
且莫鬪鸞環不似司空見慣

又

池面風翻弱絮樹頭雨退媽紅撲花蝴蝶杳無蹤又  
做一場春夢 便是一成去了不成沒個來時眼前  
無處說相思要說除非夢裏

又

羅袖雲輕霧薄醉肌玉軟花柔相逢不道有春愁只  
道春來微瘦 一點人間深意數聲柳下輕謳帶將

離恨上歸舟腸斷月斜時候

又

髮白猶歎旅枕溪深未挂烟莎往來蒼雪意如何應  
有輕鷗笑我 細算年來活計只消一個漁舟金魚  
無分不須求只乞鱸魚換酒

又席上賦  
雙荔子

連理枝頭竝蒂同心帶上雙垂背燈偷贈語低低一  
點濃情先寄 翡翠釵頭摘處鴛鴦枕上醒時酸甜  
紅顆阿誰知別是人間滋味

又和孫子紹  
拒霜詞

天意未教秋老花容剗地宜霜酒肌紅軟玉肌香不  
竹坡詞卷一  
十

與梨花同樣 來伴孫郎小宴臨風爲舞霓裳更深  
綠水照紅妝便是採蓮船上

又

誰把藍揉翡翠天將蠟做梅花晚來秋水映殘霞水  
墨新描圖 畫紙上寫將心去眼邊卻送愁來今回  
相見比前回心下忡忡越越

小重山

溪上晴山簇翠螺曉來霜葉醉小池荷瑣窗秋意苦  
無多簾繡卷黃菊兩三窠 小睡擁香羅起來勻醉  
粉玉垂梭只愁無奈夜長何你去也今夜早來麼

又方元相  
生日

碧玉山圍十里湖水雲天共遠戲雙鳧河陽花縣錦  
屏鋪人不老長日在蓬壺 一笑且踟躕會騎箕尾  
去上雲衢十分深注碧琳腴休惜醉醉後有人扶

竹坡詞卷一

十一

竹坡詞卷一終



竹坡詞卷二

漢宮春

己未中秋作

秋意還深漸銀牀露冷梧葉風高嬋娟也應爲我羞  
照霜毛流年老盡漫銀蟾冷浸香醪殊盡把平生怨  
感一時分付離騷 傷心故人千里問陰晴何處還  
記今宵樓高共誰同看玉桂煙梢南枝鵲繞歎此生  
飄轉江臯須更約他年清照爲人常到寒宵

又

別乘趙季成以山谷道人反魂梅香材見遺  
明日劑成下幃一炷恍然如身在孤山雪後  
園林冰邊籬落使人神氣俱清又明日乃作  
此詞歌於妙香寮中亦僕西來一可喜事也

香滿箱奩看沈犀弄水濃麝含薰荀郎一時舊事盡  
屬王孫殘膏賸馥須傾囊乞與蘭蓀金獸暖雲窗霧  
閣爲人洗盡餘醺 依稀雪梅風味似孤山盡處馬  
上煙村從來甲煎淺俗那忍重聞蘇臺燕寢下重幃  
深閉孤雲都占得橫斜亂影伴他月下黃昏

醉落魄

江天雲薄江頭雪似楊花落寒燈不管人離索照得  
人來真個睡不著 歸期已負梅花約又還春動空  
飄泊曉寒誰看伊梳掠雪滿西樓人在闌干角

又

柳邊池閣晚來卷地東風惡人生不解頻行樂昨日  
花開今日風吹落 楊花卻似人飄泊春雲更似人  
情薄如今始信從前錯爲個蠅頭輕負青山約

又重午日過石照  
明出侍兒鴛鴦

薰風池閣小紅橋下荷花薄沙平水淺山如削水上  
鴛鴦何處風吹落 今朝端午新梳掠錦絲圍腕花  
柔弱人生只有尊前樂前度劉郎莫負重來約

又

雲深海闊天風吹上黃金闕酒醒不記歸時節三十  
年來往事無人說 浮生正似風中雪丹砂豈是神  
仙訣世間生死無休歇長伴君閒只有山中月

阮郎歸

醪醑花謝日遲遲楊花無數飛章臺側畔儘風吹飄  
零無定期 煙漠漠草萋萋江南春盡時可憐蹤跡

竹坡詞卷二

二

尚東西故園何日歸

又

月榭疎影照嬋娟閒臨小玉盤棗花金釧出纖纖碁  
聲敲夜寒 飛雹冷水精圓夜深人未眠笑催爐獸  
暖衾鴛鴦莫教銀漏殘

又西湖梅作

西湖山下水潺潺滿山風雨寒枝頭紅日曉爛斑越  
梅催曉丹 連翠葉擁金盤玉池生乳泉此生三度  
試甘酸欲歸歸尙難

青玉案

凌歊臺懷姑溪  
老人李端叔

青鞋忍踏江沙路恨人已騎鯨去筆底驕驩誰與度

西州重到可憐不見華屋生存處 秋江渺渺高臺  
暮滿壁棲鴉醉時句飛上金鸞人漫許清歌低唱小  
蠻猶在空溼梨花雨

又

梅花落盡人誰管暗淒斷傷春眼雪後平蕪春尙淺  
一簪華髮滿襟離恨羞做東風伴 鬪花小斛蘭芽  
短猶是當時舊庭院擬把新愁憑酒遣春衫重看酒  
痕猶在忍放金杯滿

菩薩蠻

翠娥懶畫妝痕淺香肌得酒花柔輒粉汗溼吳綾玉  
釵敲枕稜 鬢綠雲銜膩羅帶還重繫含笑出房櫺

竹坡詞卷二

三

羞隨臉上紅

又

風頭不定雲來去天教月到湖心住遙夜一襟愁水  
風潭似秋 藕花迎露笑暗水飛螢照漁笛莫頻吹  
客愁人不知

又

賦疑  
梅香

寶薰拂拂濃如霧暗驚梅蕊風前度依約似江村餘  
香馬上聞 畫橋風雨暮零落知無數收拾小窗春  
金爐檀炷深

西地錦

雨細欲收還滴滿一庭秋色闌干獨倚無人共說這

些愁寂 手把玉郎書跡怎不教人憶看看又是黃昏也斂眉峰輕碧

謁金門

春雨細開盡一番桃李柳暗曲闌花滿地日高人睡起 綠浸小池春水沙暖鴛鴦雙戲薄倖更無書一紙畫樓愁獨倚

生查子

春寒入翠帷月淡雲來去院落半晴天風撼梨花樹人辭掩金鋪閒倚鞦韆柱滿眼是相思無說相思處

又

竹坡詞卷二

四

青絲結曉鬟臨鏡心慵懶知爲曉愁濃畫得雙蛾淺柳困玉樓空花落紅窗暖相對語春愁只有春閨燕

又

新歡君未成往事無人記行雨共行雲如夢還如醉相見又難言欲住渾無計眉翠莫頻低我已無多淚

又

清歌憶去年共唱秦樓曲門外月橫波帳裏人如玉秋風吹彩雲夢斷驚難續別調不堪聞紅淚銷殘燭

又

金鞍欲別時芳草溪邊渡不忍上西樓怕看來時路  
簾幕捲東風燕子雙雙語薄倖不歸來冷落春情  
緒

又

輕雲淺護霜曉日紅生砌煙共寶薰濃人與山長翠  
銀浪酒杯濃錦幄雙鸞戲庭下彩衣郎共祝千千  
歲

昭君怨

滿院融融花氣紅繡一簾垂地往事憶年時只春知  
風又暖花漸滿人似行雲不見無計奈離情惡銷

竹坡詞卷二

五

凝

秦樓月

東風歇香塵滿院花如雪花如雪看看又是黃昏時  
節無言獨自添香鴨相思情緒無人說無人說照  
人只有西樓斜月

天僊子

雪似楊花飛不定枝上凍禽昏欲暝寒窗相對話分  
飛簫鼓靜燈炯炯一曲陽關和淚聽酒入離腸愁  
欲凝往事不堪重記省勸君莫上玉樓梯風力勁山  
色暝忍看去時樓下徑

漁家傲

遇坎乘流隨分了，雞蟲得失能多少。兒輩雖黃堪一  
笑，堪一笑，鶴長鼻短從他道。幾度秋風吹夢到花  
姑溪，上人空老，喚取扁舟歸去好。歸去好，孤蓬一枕

秋江曉

又往歲阻風長蘆夜  
半舟中所見如此

月黑波翻江浩渺，扁舟繫纜垂楊杪。漁網橫江燈火  
鬧，紅影照分明，赤壁回驚棹。風靜雲收天似掃，夢  
疑身在三山島。浮世功名何日了，從醉倒，桄榔紅日  
千巖曉。

又送李彥校  
宰旌德

休惜騎鯨人已遠，風流都被仍雲占。腰下錦條纏寶

竹坡詞卷二

六

劍光閃焰人間，莫作牛刀看。見說河陽花滿縣，相  
邀更約疎狂伴。幸有小蠻開小燕，須少款玉堂此去  
知非晚。

又

重九前兩日遊真如廣孝二寺木犀方盛開  
而城中花已落數日矣郡人以扶疎高花絕  
勝水南因爲爲解  
嘲呈元壽知縣

路人雲巖山窈窕，巖花滴露花頭小。香共西風吹得  
到，秋欲杪，大還未放秋容老。誰道水南花不好，猶  
勝金蕊渾如掃。留取光陰重一笑，須是早黃花，更惜  
重陽帽。

又夜飲木  
芙蓉下

月黑天寒花欲睡，移燈影落清尊裏。喚醒妖紅明晚

翠如有意嫣然一笑知誰會  
露溼柔柯紅壓地羞容似替人垂淚  
著意西風吹不起空繞砌明年花共誰同醉

南柯子

方錢唐出侍兒范謝州要子作此詞

蟬薄輕梳鬢螺香淺畫眉西湖人道似西施人似西施濃淡更相宜  
畫燭催歌板飛花上舞衣殷勤猶勸玉東西不道使君腸斷已多時

又

霧帳蘭衾暖薰爐寶篆濃眼波猶帶睡朦朧卧聽曉來雙燕語春風  
螺淺歡餘黛霞銷枕處紅斷雲飛雨怕匆匆欲去且留情緒兩沖沖

竹坡詞卷二

七

又

白羽傳觴急金鞍躍馬遲雲間彩鳳看雙飛飛上碧梧枝上穩雙棲  
林下風流女堂東坦腹兒此郎標韻世間稀好爲伯鸞舉案又齊眉

朝中措

登西湖北高峯作

西湖煙盡水溶溶一笑與誰同多謝湖邊霜菊伴人三見秋風  
兩高南北天教看盡吳越西東趁取老來猶健登臨莫放杯空

又

二妙堂落成二十餘年而廬阜隱然常在有無間似不肯爲老人出也作長短句以招之

大江流處是廬峰蒼玉照晴空何事淺鬢濃黛卻成煙雨溟濛  
如今縱有雲濤萬頃翠巘千重傳語雲

問五老一尊須要君同

又

雨餘庭院冷蕭蕭  
簾幕度微颺  
鳥語喚回殘夢  
春寒勒住花梢  
無膠睡起新愁  
黯黯歸路迢迢  
又是夕陽時候  
一爐沈水烟銷

又移桃  
花作

小桃花動著枝濃  
移得伴衰翁  
多謝天公憐我  
一時染就輕紅  
春光猶在花枝  
未老莫放尊空  
休倚半巖煙樹  
能消幾度東風

又

黃昏樓閣亂棲鴉  
天末淡微霞  
風裏一池楊柳  
月邊

竹坡詞卷二

八

滿樹梨花 陽臺路遠魚沈尺素  
人在天涯想得小窗邊  
夜哀絃撥斷琵琶

虞美人

西地見梅作

短牆梅粉香初透  
削約寒枝瘦  
惱人知爲阿誰開  
還伴冷煙疎雨  
做愁媒  
飄零苦恨春情薄  
不管花開落  
小池疎影弄寒沙  
何似玉臺鸞鏡對橫斜

又食瓜有感

西園摘處香和露  
洗盡南軒暑  
莫嫌坐上適來蠅  
只恐怕寒難近玉壺冰  
井花浮翠金盤小  
午夢初回後  
詩翁自是不歸來  
不是青門無地可移栽

又



癡雲壓地風塵捲雪共春寒淺山城寒夜不燒燈時  
見竹籬茅舍兩三星 九衢風裏香塵擁十載鰲山  
夢如今獨自倚冰簷落盡短檠紅燭不成眠

江城子

夕陽低畫柳如烟淡平川斷腸天今夜十分霜月更  
娟娟怎得人如天上月雖暫缺有時圓 斷雲飛雨  
又經年思淒然淚涓涓且做如今要見也無緣因甚  
江頭來處雁飛不到小樓邊

又

碧梧和露滴清秋小庭幽翠煙流羞帶一襟明月上  
危樓苦恨秋江風與月偏管斷這些愁 此情空道

竹坡詞卷二

九

兩網繆信悠悠幾時休到得如今剗地見無由擬待  
不能思想得無限事在心頭

瀟湘夜雨

濡須對雪

樓上寒深江邊雪滿楚臺煙靄空濛一天飛絮零亂  
點孤蓬似我華顛雪頽渾無定漂泊孤蹤空淒黯江  
天又晚風袖倚蒙茸 吾廬猶記得波橫素練玉做  
寒峰更短坡煙竹聲碎玲瓏擬問山陰舊路家何在  
水遠山重漁簑冷扁舟夢斷燈暗小窗中

又

曉色凝曦霜痕猶淺九天春意將回隔年花信先已  
到江梅沈水煙濃如霧金波滿紅袖雙垂僂翁醉問

春何在春在玉東西 瑤臺人不老還從東壁來步  
天墀且細看八埤花影遲遲會見朱顏綠鬢家長近  
只尺天威君知否天教雨露常滿歲寒枝

又 和潘都曹  
九日詞

江繞淮城雲昏楚觀一枝煙笛誰橫曉風吹帽霜日  
照人明暗惱潘郎舊恨應追念菊老殘英秋空晚茱  
萸細撚醞醪爲誰傾 人間眞夢境新愁未了綠鬢  
星星問明年此會誰寄幽情倚盡一樓殘照何妨更  
月到簾旌憑闌久歌君妙曲誰是米嘉榮

又 二妙  
堂作

楚尾江橫斗南山秀朝川誰畫新圖幾時天際平地  
竹坡詞卷二 十

出方壺應念江南倦客家何在飄泊江湖天教共銀  
濤翠壁相伴老人娛 長淮看不盡風帆落處天在  
平蕪算人間此地豈是窮途好與婆娑盡日應須待  
月到金樞山中飲從教笑我白首醉模糊

宴桃源

簾幕疎疎風透庭下月寒花瘦寬盡沈郎衣方寸不  
禁僝僽難受難受燈暗月斜時候

又

林外野塘煙膩衣上落梅香細瘦馬步凌兢人在亂  
山叢裏憔悴憔悴回望小樓千里

又

綠盡小池芳草門外柳垂春晝花上雨廉纖簾幕燕  
來時候消瘦消瘦依約粉香襟袖

又與孫祖茶  
求餘醺

舊日荼蘼時候酒浣粉香襟袖老去惜春心試問孫  
郎知否花瘦花瘦翦取一枝重嗅一作添我  
小闌文繡

竹坡詞卷二

十一

竹坡詞卷三

滿江紅

十一月二十有三日雪意濃甚已而復  
韻俗者使僕作  
語爲賦此曲

寂寂江天雪又滿晚來風急空懊恨散鹽飛絮未成  
輕集萬里長空飛不到珠簾捲盡還羞入問向晚誰  
欲畫漁筇寒江立天黯淡催殘日波浩渺添寒力  
又何如聊遣舞衣紅溼好與月娥臨晚砌莫教先放  
梅花拆便準擬一醉廣寒宮千山白

定風波令

梅粉梢頭雨未乾淡煙疎日帶春寒暝鴉啼處人在  
小樓邊芳草只隨春恨長塞鴻空傍碧雲還斷霞

竹坡詞卷三

銷盡新月又嬋娟

蝶戀花

天意才晴風又雨催得風前日日吹輕絮燕子不飛  
鶯不語滿庭芳草空無數春去可堪人也去枝上  
殘紅不忍擡頭覷假使留春春肯住喚誰相伴春同  
處

永遇樂 五日

槐幄如雲燕泥猶溼雨餘清暑細草搖風小荷擎雨  
時節還端午碧羅窗底依稀記得閒繫翠絲煙縷到  
如今前歡如夢還對綵條無語榴花半吐金刀猶  
在往事更堪重數艾虎釵頭菖蒲酒裏舊約渾無據

輕衫如霧玉肌似削人在畫樓深處想靈符無人共  
帶翠眉暗聚

驀山溪

月眉星眼閨苑眞僊侶嬌小正笄年每當筵愁歌怕  
舞水亭煙樹春去已無蹤桃源路知何處往事如風  
絮如今聞道悞翦香雲縷閒繫小烏紗更無心淺  
勻深注三山路杳終不是人間知誰與吹簫女共駕  
青鸞去

品令

重九前一日飛卿攜酒相過坐中歌空青  
送客詞因用其韻是日淮上賊軍退舍

西風持酒請不做愁時候機雲兄弟坐中玉樹瑤枝  
高秀且莫勸人歸去坐來未久 甘泉書奏報幽障

竹坡詞卷三

二

沈烽後明朝重九茱萸休惱淚霑襟袖怕衰黃花也  
解笑人白首

又

九日寓居招提旅中不復出步上西廡  
絕頂擷黃菊一枝淒然有感復作此歌

霜蓬零亂笑綠鬢光陰晚紫茱時節小樓長醉一川  
平遠休說龍山佳會此情不淺 黃花香滿記白苧  
吳歌輒如今卻向亂山叢裏一枝重看對著西風搔  
首爲誰腸斷

清平樂

蘆洲晚淨雨罷江如鏡屬玉雙飛棲不定數點晚來  
煙艇 夢回滿眼淒涼一成無奈思量舟在綠楊隄  
下蟬嘶欲盡斜陽

又

煙鬟傲翠柳下門初閉門外一川風細細沙上暝禽  
飛起 今宵水畔樓邊風光宛似當年月到舊時明  
處共誰同倚闌干

又

青春欲暮柳下將飛絮月到階前梅子樹啼得杜鵑  
飛去 人歸不掩朱門一成過了黃昏只有瑣窗紅  
蠟照人猶自銷魂

又

團圓小樹天與香無數薄豔不禁風日苦賸著紅油  
遮護 移栽未到江南香山鼻觀先參勾引老情偏

竹坡詞卷三

三

醉錦薰籠暖春酣

又

淺妝勻靚一點閒心性臉上羞紅凝不定惱亂酒愁  
花病 晚來淚搵殘霞墜鬟小玉釵斜細雨一簾春  
恨東風滿地桃花

又

東風庭戶紅滿桃花樹准擬踏青南陌路雙鳳繡鞋  
新做 鞦韆月挂黃昏畫堂深掩朱門立盡花陰歸  
去此時別是銷魂

浪淘沙

已未  
除夜

江上送年歸還似年時屠蘇休恨到君遲覓得醉鄉

無事處莫放愁知 紅地一燈垂 應笑人衰鶴長鳧  
短怨他誰明日江樓春到也且醉南枝

又

落日在闌干風滿晴川坐來高浪擁銀山白鷺欲棲  
飛不下卻入蒼煙 千里水雲寒正繞煙鬟拍浮須  
要酒杯寬天與吾曹供一醉不是人間

踏莎行

和人賦  
雙魚花

風翠輕翻霧紅深注鴛鴦池畔雙魚樹合歡鳳子也  
多情飛來連理枝頭住 欲付濃愁深憑尺素戲魚  
波上無尋處教誰試與問花看如何寄得香牋去

又

竹坡詞卷三

四

燕子歸來梅花又落細桃雨後燕支薄眼前先自許  
多愁斜陽更在春池閣 夢裏新歡年時舊約日長  
院靜空簾幕幾回猛待不思量擡頭又是思量著

又謝人寄  
梅花

鵲報寒枝魚傳尺素晴香暗與風微度故人還寄隴  
頭梅憑誰爲作梅花賦 柳外朱橋竹邊深塢何時  
卻向君家去便須倩月與徘徊無人留得花常住

又

情似遊絲人如飛絮淚珠閣定空相覷一溪煙柳萬  
絲垂無因繫得蘭舟住 雁過斜陽草迷煙渚如今  
已是愁無數明朝且做莫思量如何過得今宵去

雨中花令

吳興道中懶賦行役作此曲寄武林交舊

山雨細泉生幽谷水滿平田雪蠶紅蠶熟後黃雲隴  
麥秋間武陵烟暖數聲雞犬別是山川嗟老去倦  
遊蹤跡長恨華顛行盡吳頭楚尾空慚萬壑千巖不  
如休也一庵歸去依舊雲山

點絳脣

西池桃花落盡賦此

燕子風高小桃枝上花無數亂溪深處滿地飛紅雨  
喚得春來又送春歸去渾無緒劉郎前度空記來  
時路

又內子  
生日

人道長生算來世上何曾有玉尊長倒早是人間少

竹坡詞卷三

五

四十年來歷盡閒煩惱如今老大家開口贏得花  
前笑

臨江僊

水遠山長何處去欲行人似孤雲十分瘦損沈休文  
忍將秋水鏡容易與君分試問梨花枝上雨爲誰  
彈滿清尊一江風月黯離魂平波催短棹小立送黃  
昏

又送光州  
曾使君

記得武陵相見日六年往事堪驚回頭雙鬢已星星  
誰知江上酒還與故人傾鐵馬紅旗寒日暮使君  
猶寄邊城只愁飛詔下青冥不應霜塞晚橫梁看詩



成

好事近

青陽道中見梅花是日微風花已有落者

江路繞青山山翠撲衣輕溼誰釀晚來雲意做一天  
秋色竹溪斜度儘籃輿疎梅暗香入何處最關心  
事恨落梅風急

又

謝入分得臘梅一枝

香蠟染宮黃不屬世間風月分我照寒金蕊伴小窗  
愁絕高標獨步本無雙一枝為誰折壓盡半春桃  
李任滿山如雪

又

竹坡詞卷三

六

簾外一聲歌傾盡滿城風月看到酒闌羞處想多情  
難說周郎元是個中人如今鬢如雪自恨老來腸  
肚諳不堪摧折

又

雨後欲斜陽紅滿井梧風葉還是夜來時候共小軒  
明月不關纖手與調冰消除這些熱自是月娥肌  
骨似玉壺香雪

又

海棠

春似酒杯濃醉得海棠無力誰染玉肌豐臉做燕支  
顏色送春風雨最無情吹殘也堪惜何似且留花  
住喚小鬟催拍

又

秋意總關愁那更與君輕別從此共誰同醉恨老來  
風月遙知手板笑看雲江邊醉時節應爲老人回  
首記白頭如雪

酬江月

冰輪飛上正金波翻動玉壺新綠風帽還歌清露滴  
凜凜微生寒粟白玉樓高水精簾捲十里堆瓊屋千  
山人靜怒龍聲噴蘄竹夜久斗落天高銀河還對  
瀉冷懸雙瀑此地人間何處有難買明珠千斛弄影  
人歸錦袍何在更誰知鴻鵠素光如練滿天空挂寒  
玉

又送路  
使君

竹坡詞卷三

七

楚山無盡看西來新擁石城雙旆立馬花邊金鐙暖  
遙想元戎小隊白雪歌成莫愁去後往事空千載一  
時吟嘯風流不減前輩聞道夢澤南州日高初睡  
足雅宜高會老去愁多誰念我空對雲山蒼翠南雁  
歸時白頭應記得尊前傾蓋送君南浦無情空恨江  
水

感皇恩

殘月挂征鞍路長山繞獨擁寒貂犯霜曉水邊林下  
孤負此生多少星星空滿鬢因誰有不如辨個短  
蓑長釣喚取輕鷗伴人老思量也勝看人眉頭眼腦  
世間渾是夢何時了

又除夜  
作

玉筍點椒花年華又杪絳蠟燒殘暗催曉小窗醒處  
夢斷月斜江梢故山春欲動歸程杳天意不放入  
生長少富貴應須致身早此宵長願贏取一尊娛老  
假饒真百歲能多少

又

竹坡老人步上南岡得堂基於  
孤峯絕頂間喜甚戲作長短句

無事小神僊世人誰會著甚來由自縈繫人生須是  
做些閒中活計百年能幾許無多子近日謝天與  
片閒田地作個茅堂待打睡酒兒熟也贏取山中一  
醉人間如意事只此是

又

送晁別  
駕赴朝

竹坡詞卷三

八

江上一山橫偶來同住山北山南共來去今朝何事  
目送征鴻輕舉可堪吹不斷梨花雨千里莫厭重  
霄雲路飛下彤庭伴鷓鴣紫騮烏帽看盡章臺風絮  
故人應問我今何處

又

送侯彥嘉  
歸彭澤

何處是雲庵本來無住雲共誰來共誰去菊籬杯酒  
聊爲淵明頰舉幅巾應屬溼斜川雨此去常恨相  
從無路記取孤飛水邊鷺重來一笑又是柳飛殘絮  
夢魂飛不到君閒處

彥嘉小字  
榜曰閒處

洞僊歌

江梅吹盡更幽蘭香度可惜濃春爲誰住最嫌他無

數輕薄桃花推不去偏守定東風一處病來應怕  
酒眼常醒老去羞春似無語准擬強追隨管領風光  
人生只歡期難預縱留得梨花做寒食怎喫他朝來  
這般風雨

賀新郎

白首歸何晚笑一椽天教付與楚江南岸門外春山  
晚無數只有匡廬似染但想像紅妝不見誰念香山  
當日事漫青衫淚溼人誰管歌舊曲空淒怨將軍  
未老身歸漢等功名過了唯有古詞塵滿誰似淵明  
拚得老飽看雲山萬點況此老斜川不遠終待我他  
年自翦黃花一酬重陽釀君爲我休辭勸

竹坡詞卷三

九

蘇幕遮

水傍邊山盡處喚取雲來共我山頭住分得一江風  
共雨滿院芙蓉更聽紅妝舞趁霜晴閒獨步那裏  
烟村有個梅花樹小徑斜穿來又去醉後知他有甚  
青雲路

又

老相邀山作伴千里西來始識廬山面愛酒揚雄渾  
不管天與隣翁來慰窮愁眼似驚鴻吹又散畫舸  
橫江望斷江南岸地角天涯無近遠一闋清歌且放  
梨花滿

一翦梅

送楊帥  
醇赴官

無限江山無限愁兩岸斜陽人上扁舟闌干吹浪不  
多時酒在離尊情滿滄洲 早是霜華兩鬢秋目送  
飛鴻那更難留問君尺素幾時來莫道長江不解西  
流

千秋歲生日

小春時候晴日吳山秀霜尙淺梅先透波翻醞醖醖  
霧暖芙蓉繡持壽酒仙娥特地回雙袖 試問春多  
少思入芝蘭厚松不老山長久星占南極遠家是椒  
房舊君一笑金鸞看取人歸後

又葉審言生日

當年文焰蜀錦詞華爛年正少聲初遠手攀天上桂

竹坡詞卷三

十

書奏蓬萊殿人盡道洛陽盛事今重見 千尺青蒼  
榦直節凌霄漢天未識應嗟晚飲殘長壽醞歸奉春  
皇燕金葉滿擗麟且受麻姑勸

又春欲去二妙老人戲作長短句留之爲社中一笑

送春歸去說與愁無數君去後歸何處人應空懊惱  
春亦無言語寒日暮騰騰醉夢隨風絮 盡日間庭  
雨紅溼鞦韆柱人恨切鶯聲苦擬傾澆悶酒留取殘  
紅樹春去也不成不爲愁人住

風入松

禁烟過後落花天無奈輕寒東風不管春歸去共殘  
紅飛上鞦韆看盡天涯芳草春愁堆在闌干 楚江

橫斷夕陽邊無限青煙舊時雲去今何處山無數柳  
漲平川與問風前回雁甚時吹過江南

憶王孫

絕筆

梅子生時春漸老紅滿地落花誰掃舊年池館不歸  
來又綠盡今年草思量千里鄉關道山共水幾時  
得到杜鵑只解怨殘春也不管人煩惱

減字木蘭花

雨中熟睡

快風消暑門近雨邊梅子樹晝夢騰騰急雨聲中喚  
不醒輕衫短簑林下日長聊散髮無計醫貧長作

雲山高卧人

採桑子

將離武林

竹坡詞卷三

十一

雲蹤老去渾無定飄泊寒空又被東風吹過江南第  
幾峰長安市上看花眼不到衰翁好趁歸鴻家在  
西巖碧桂叢

先父長短句一百四十八闋先是潯陽書肆開行  
訛舛甚多未及修正適鄉人經由渭宣城搜尋此  
本得其半遂以金受板東下未幾好事者輒湊訪  
求粥書者利其得又復開成然比宣城本爲善蓋  
采親校讎也去歲武林復得二章今繼於憶王孫  
之後先父一時交遊如李端叔翟公巽呂居仁汪  
彥章元不伐莫不推重平生著述綴集成七十卷  
槧板襄陽黃州開楚辭贅說詩話二集尙有尺牘

大閒錄勝遊錄羣玉雜嚼藏於家以俛君子廣其  
傳云乾道九年閏正月十五日男栞拜書

竹坡詞卷三

三



竹坡詞卷三終

余昔鐫竹坡老人詩話恨未見其全集亦未詳其始末既閱宣城志文苑傳云周紫芝字少隱居陵陽山南父覺訓子甚篤每曰是子相法當貴然肩聳而好吟其終窮乎兩以鄉貢赴禮部不第家貧併日而炊人嗤之不顧嗜學益苦嘗從李之儀呂本中游有美譽建炎中呂好問知宣州每譏集必與俱年六十一始以廷對第三同學究出身調安豐軍不赴監戶部黜院歷樞密院編修官右司員外郎知興國軍崇政簡靜終日焚香課詩而事不廢秩滿奉祠居廬山初秦檜愛其詩云秋聲歸草木寒色到衣裘留京每一篇出擊賞不已後和御製詩云已通灌玉親祠事更

竹坡詞跋

一

有何人敢告猷檜怒其諷已出之紫芝惟言士遇合有時吾豈以彼易此紹興乙亥卒子槃葉皆力學不仕茲集長短句凡三卷末有子葉跋綴二闕于絕筆之後但減字木蘭花一調誤作木蘭花令今釐正紫芝嘗評王次卿詩云如江平風霽微波不興而洶湧之勢澎湃之聲固已隱然在其中其詞約略似之古

虞毛晉識

紫芝集名太倉稀米余少年得而復失每爲歎惋始信表聖詩云亡書久似憶良朋眞箇中語也去冬玉峯李青城同張子佩過訪云篋中有是書相對擊節不遠百里見寄惜非余向所藏耳名雖相同乃集金



